

宜春縣志卷之二

循卓列傳

循吏有傳昉自馬遷凡以風茲有位加惠元元也  
邑無小大賢宰必書惟其德不惟其人覽古自鏡  
斯其百世師乎

賢邑侯

宋

程元曰博野人太平興國初進士知縣事所至惟隱  
恤無赫赫聲後以子琳相仁宗朝累贈太師中書

宜春縣志

卷之二

循卓

一

令

張補之治平間知縣事慈愛被民縣人朱景陽有頌

張君侯詩

胡安老建安人紹興末知縣事政先撫字無聰察苛  
刻之意去後民立生祠

柯春卿閩人知縣事涖治精刻聽斷曲直不辭勞瘁

始建縣學秀江之北後判京府亦有異聲

趙師慮字學古朱熹門人紹熙間知縣事勤撫字慎  
催輸貧病者□卹之賓客資贈悉輟月俸爲備卒

於官無以口斂

明

仲時舉洪武間知縣事開建縣治施設有方兵革之後招撫流亡百姓安之

蔡胄四明人進士永樂間知縣事治去威刑政先德意民服其化後以憂去

江慶開化人宣德七年任縣職勤於民事修廢舉墜日昃不遑以課最陞知州

郭紕臨海人進士知縣事廉明有威吏不敢欺擢南

宜春縣志

卷之二 循卓

二

京監察御史累官布政司叅政

張參華亭舉人知縣事敏辨有吏才民苦糧長下圖徵收參設局縣門立十限法置衡量令民以次輸入竟不費而事集歲饑令富民發廩賑之官爲給票俾秋成加粟以償後陞工部主事

凌汝志太倉人知縣事廉明多惠政嘉靖乙巳饑捐俸賑之丁未旱禱名山雨應遷給事中至順天府丞祀名宦

徐栻字世寅口熟人進士令本邑蘇里禁誣清傳節

餉滌除煩□□民□始建藏書閣新啟聖祠學基  
旁囁於民者悉還之校士拔其僞館昌黎書院三  
載拜南御史後巡撫江西歷官工部尚書詳張春  
生祠記中

胡應嘉沐陽人進士嘉靖間知縣察奸剔蠹幽隱必  
矚日與諸生論行攷藝其所獎與驗若券符廉能  
聲大著擢吏科歷陞都給事中

蔣應震宜興人進士萬曆十一年知縣事正直不阿  
釐奸除蠹捐革□耗校士以文有私干者輒曰此

宜春縣志

卷之二 循卓

三

陽鱗也斥之月□課士親定品題民有以兩造質  
者原情伸理洞□觀火不受請託亦不濫罰乙酉  
分闈中式皆名□戊子秀江橋北岸傾圮卽募匠  
修築捐俸六百餘金民歡之起種桃亭於春臺作  
簑笠亭於化巖五年如一行李蕭然行取擢南禮  
部主事歷任有聲長子名如奇亦以名進士著令  
德云

黃洽中長沙人進士萬曆十七年知縣事清廉和惠  
剔蠹除奸一□恤民錢糧令民自封投櫃不索羨

己丑大荒悉心賑救開倉借貸貧生各給穀一石  
秋間自買還倉計五百餘石建文昌閣於縣口左  
一月兩課士彬彬向學調樂平擢刑部主事其子  
亦舉賢書

錢文薦號石樓慈谿人進士萬曆四十一年令宜春  
歲凶民饑公軫恤調停追徵得法民獲甦息注意  
校士獎拔名俊然無敢干以私者著有羅霄集石  
樓文集陞工部主事

王家賓號獻廷漢陽舉人天啟初知縣事敏迅機警

宜春縣志

卷之二

循卓

四

能發奸擿伏剏建文筆峯爲一邑振起人文

章志佺字偃仙會稽人舉人崇禎七年知縣事爲治  
寬和有度持身儉約正供之外不取羨耗一意與  
民休息尤勤於造士每校閱至再至三必獲眞才  
徃徃拔十得九人服其精鑒士民被澤至今謳思  
不輟

朱茂暲字子莊秀水人進士崇禎十四年令宜春年  
特英妙精勤蒞治剔奸戢豪有老吏所不如者而  
革酒亭一口更爲便民性喜延攬時與諸生課文

品題竟日無倦色調贛縣未行遭獻逆潰城去官  
尋署事侯代兩至天井窩拮据招安解散餘黨渠  
魁授首寔公之力也  
吳道昌貴州舉人崇禎十七年任縣事下車月餘卽  
殷殷以興起文教爲己任月一課士暇時輒親至  
盧洲書院觀士子會課劇飲爲歡臨政親民尤勤  
撫字而革馬戶一頃爲最著惜在任未久弗克殫  
其蘊耳

國朝

宜春縣志

卷之二

循卓

五

王忻號燕皇章丘人進士順治二年令本縣恂悔豈  
弟蒞任朞月江西變公去官又一年復任時軍興  
旁午鎮兵驕悍饋餉稍後輒喧噪入署公能善其  
調劑催科頗峻然浮糧一節獨公畱意在任七年  
每臺司新蒞卽縷悉請命且引新喻上則比例卒  
邀藩撫入告照則清汰公之首事勞勩未可泯也  
十□改選去官舟次新喻遇兵害惜哉

□字鶴胎江南無錫人拔貢順治十七年任□事  
□□斷燭奸□如神胥役憚之明季兵□□□

□籍焚燬過□田糧收除類多朦混公立局按查榜  
令自首隱匿者加等治罪閱三月坊里民各自呈  
報通邑賦稅始得其實至今官無漏徵民有定賦  
歷歲催科獲□手告成者猶頌公弗衰云

陸柄謙字元吉蘇州崇明人戊子副貢康熙五年任  
縣事性溫厚簡樸有長者風奉法順流不好紛更  
勤撫字善催科不苦民而賦足尤精制舉業喜談  
詩文有來謁者輒以經傳奧義縷縷指陳雖笥書  
叢脞未嘗少倦加意造士月課試於昌黎書院手  
宜春縣志  
卷之二 循卓  
六  
□評隲所獎拔類皆名雋咸服其卓識歷二任惠  
聲頗著士民安之編有陸侯德政詩以年老致仕  
歸

吳兆慶字貞甫浙江歸安人十四年任縣職涖治精  
敏不辭勞瘁廉明多惠政值大兵雲屯轉輸絡繹  
民苦於役公措置如流不荒民業不缺軍餉招徠  
子遺多所全活治才卓犖當事咸推稱焉起復補  
安化縣

潘藩大字介維江南天長人貢監十七年知縣事嚴

明正直不苟阿權要時鎮卒驕悍民不敢近公數置之法始稍斂戢其於民也簡征寬賦不索羨餘邑屢荒旱多積逋公捐橐代輸無難色聽斷曲直不少徇請託清介白矢稚稱廉吏以博學行取人爭榮之

王光烈字允文三韓勲裔也性明敏工詩詞博通大文地理諸書康熙十八年令宜邑飲水自矢寬恕而行簡念哀鴻未集日以招徠撫恤爲事邑屢遭兵燹田多荒蕪民苦逋賦以格於議不獲免會歲

宜春縣志

卷之二

循卓

七

凶迭告公力爲民請命災幸邀蠲而荒逋藉以得甦時衛軍失伍奸丁乘隙妄報勾補閭閻震驚轉徙者數千家公痛切瀝陳之上憲得悉其情檄下諸司立碑永禁二十二年奉徵邑乘宜以附郭志亦附郡舊無成書可應上求者公開局延紳士出清俸創修之而自董厥成宜之有志自此始計公涖宜九年而餘其興廢甦患類如此

陳俊字宅三梁山人弱冠登賢書由學博遷令尹康熙二十九年任縣事濶達敏块饒經濟才詩歌古

文詞其緒餘也公餘折節諮訪維勤故地方利弊  
罔不悉念民力竭革耗羨以甦之常平積貯願貸  
者輒予之温和平恕絡日無疾言遽色彬彬乎有  
儒吏風撫軍商丘宋公雅噐之舉卓異遷刺□寧  
州宜民借寇不獲以峴山片石誌不諼云

張綸字言如襄平人康熙三十九年涖宜耿介明決  
折斷如流獄訟少有冤者雖性頗嚴峻少吐握風  
然威能戢暴郡城兵民雜處而市不知兵縣治傾  
頽觀瞻不肅公蠲貲庀材革故而鼎新之袁郡舊  
宜春縣志

卷之二

循卓

八

無督學文場以奉裁兵脩道衙舍改充外邑每口  
循不葺多至臨時草率公請於上檄行四邑輪值  
脩理定爲例始無旁諉涖任未幾以疾免未盡所  
長惜夫

賢學官

民非官罔治士非師罔法拊循既有重任造育亦有專司但職列清署莫盡所長表表傑出者代不數人人不數事今攷其文行超卓堪爲儀型者畧著於篇

明

徐澤常熟人本學教諭幼有雋才能文章多十推服著有守禦安邊策數篇頗濟時事後遺軼弗傳識者惜之

宜春縣志

卷之二

賢學

九

林禎莆田人本縣教諭秉心貞勤嘗出己俸助諸生膏火卒於官

向欽慈谿人本學訓導端謹善誘旁郡邑暨從宦者皆來學貧者量資給之所著有舉業權輿東西銘註感興詩釋陞新淦教諭致仕

國朝

金玉書字石函豐城舉人康熙年任學教諭善屬文端嚴有師範歲必課士手定優劣翕然無間言捐貲修學惓惓以振興人文爲念未去任以壽終

流寓

流寓不同等有宦游愛風土遂於此長子孫者或家難避地或謫戍量移亂離頻仍無家可歸其中不無隱德君子識時俊傑未可以羈旅置弗錄也爰爲誌

宋

李覲南城人有文名仕大學說書范仲淹疏薦於朝嘗寓袁適知州事祖無擇創學覲爲作記卽世所稱三絕碑

宜春縣志

卷之二

流寓

十

陳瓘字了翁南劍人徽宗初以右正言權給事中上書攻章惇蔡卞又以書詆曾布言其過出知泰州尋論復元祐皇后罪除名編管袁州移廉州曹輔福州人宣和中爲秘書省正字上疏諫微行竄郴州六年移袁州居一年召爲校書郎靖康間官至尚書左丞同知樞密院事封福國公謚忠達吳師古宜興人舉進士紹興初胡銓上書論和議乞斬秦檜師古鋟其書以傳於金流袁州死知浹汾州人通春秋左傳好直言岳飛待以賓禮飛

下大理獄浹書訟其冤坐流袁州

洪皓字光弼饒州人紹興中使金不屈畱十五年歸  
除徽猷閣直學士忤秦檜竄英州九年復朝奉郎  
徙袁州至南雄卒

明

楊子將泰和人少師文貞公士奇之父也元至正甲  
辰避兵於袁居二年生士奇於鳳凰臺側子將歿  
士奇甫週歲母陳夫人抱遺孤畱袁幾不能歸外  
祖陳庸躬涉艱險來挈子將之喪與陳夫人及奇  
宜春縣志

卷之二 流寓

十一

歸泰和時洪武元年也文貞初名寓字士奇一字  
僑仲以僑寓宜陽也子將累贈至少師兵部尚書  
兼華蓋殿大學士

國朝

李若垠字奠之北直天井人署寧都知縣事

武秩

命將詰戒慎守封疆所任匪輕也平時安不忘危  
以備非常隣壤縱有伏莽之奸無敢竊發武備顧  
可弛歟但期兵民相安文武協和野無潢池之弄  
郡有金湯之固無事爲福耳

明

袁國公

歐

祥

有傳

宜春侯

宜春縣志

卷之二

武秩

十二

黃

彬

有傳

崇禎戊寅設守備一員

孫承德

崇禎甲申委標將一員

謝騰雲

都司一員

蒲 纓

國朝

初遣副將郭天才領兵三萬有奇至袁宜春□

附

袁臨協鎮副總兵官

尚登第  
年遼任東卒人于順官治四

張學周  
年遼任東卒人於順官治六

康時昇  
口河治南九榮年澤任人

袁誠  
治江十南二合年肥任人順

孫加印  
任陝陞西衢人州順府治副十總六年

許壯猷  
十京八衛年人任順治

新設袁臨總兵官

宜春縣志

卷之二

武秩

十三

趙應奎  
十年南任歸陞德廣府西商左丘江縣提人督康熙

仍復袁臨協鎮副總兵官

梁鼎  
年陝任西累陞安至府逝閩總縣督人蔭生康熙二十

康共  
十直七隸年薊任州有人傳康熙二

陳進  
熙福三建十晋七江年人任康

丁禛昌  
熙四四川十廣五安州任人康

中軍都司

董正己 龍門人陞陝西進士州順治擊十

曾文炳 吉安

張學純 浙江人庚戌探花康熙二十五年

周琦 福建人陞武進南士撫標遊擊十

孫光宗 陝西寧夏人康熙任康

右營都司

蘇應世

山東人  
順治八年任

紀登雲

陝西人  
順治三年任

宜春縣志

卷之二

武秩

十五

新設袁臨總兵官始末

協鎮趙於康熙十年內蒞任康熙十三年棚寇朱益吾李念松等因滇黔吳逆變亂勾連逆衆侵躡袁屬盤踞萍萬攻破吉安袁郡三面受敵協額兵不滿千當經總督江西部院董捷簡入告

皇恩除授袁協爲鎮設立中前後二營迫于汛廣復又咨呈總督董題設袁臨城守二營柰各路寇勁調勦不敷總鎮趙復委員至江南河南等處募選壯勇一千餘人遴選能員一十一員委東前征

屢有成績康熙十五年 温大人臨袁目擊官兵  
俱係 總兵官捐資贍養回京啟奏於本年八月  
初十口奉

旨袁臨總兵官趙蓄養好漢一千名有益地方准給  
步戰糧餉改設健丁營制惟各官仍裹糧環勦  
總鎮於康熙十七年四月內咨呈 督院董爲將  
弁養廉無術等事繕疏具 題本年六月二十一  
日奉

旨准設經制遊守千把等官一十一員分爲左右兩  
宜春縣志 卷之二 武秩 十六  
軍開支俸薪漸次地方平復本營官兵隨 總兵  
官進勦楚粵苗蠻古州八萬等處逆寇蕩平奉  
旨班師 總鎮陞授廣西左江提督本營官兵撤師  
回袁遵奉 部文均照康熙二年裁汰例現在陸  
續消除其各官仍候請咨赴 部改推

袁臨總兵官鎮標五營

健丁營遊擊

趙應時 河南商丘縣歸德府人

左軍守備

許君用 湖廣長沙府湘陰縣人

右軍守備

汪國樑 江西南寧縣徽州人

中營遊擊

潘希聖 滿州人

宜春縣志

卷之二

武秩

十七

李顯宗 滿洲人

李明 河南人

吳貴 福建人

守備

趙光正 江南人

前營遊擊

趙衍吉 河南商丘縣人

楊朋實 河南人

守備

鄒文良 九江湖口人

後營遊擊

陳素綸 西安府三原縣人

龐守廉 西安府人

沈 華 福建人

守備

高公壽 順天府人

把總

余在海

袁州城守遊擊

關

彪

福建漳  
州府  
詔安縣人

王海豹

北京天  
津衛人

守備

尚

寅

江南人

千總

塘虎

湖廣  
郴州  
貴陽  
人

王一虎

湖廣  
長沙  
府醴陵縣人

趙其遍

河南  
歸德  
府商丘縣人

宜春縣志

卷之二

武秩

十九

曾蘭

福建  
興化  
府莆田縣人

把總

胡承傑

福建  
興化  
府莆田縣人

吳國生

福建  
莆田人

康熙  
四十年  
五月  
降  
康熙

賢協鎮

梁 鼎號公調長安人蔭生負姿卓犖威望夙著  
康熙二十年鎮袁臨時初裁總戎仍復協鎮營  
務繁冗公至簡閱軍士無能者汰之擇其精銳  
以時訓練之恩威相濟將卒皆奉令而嫻步伐  
平時溫文爾雅有輕裘緩帶風文武協和四境  
寧謐公之力也陞總兵特恩改浙閩總督所謂  
文武是憲者公之謂歟

康 共字明我號薊門薊州人由材技爲本州玉

田操守歷任袁臨協鎮袁疊遭兵燹四境蕭條  
公下車惻狀嚴飾悍卒毋許擾民有違命者輒  
置之法自是兵民相安除從前扣糧採買諸弊  
歲早步行祈禱設法賑貸訓練之暇謙恭下士  
吐握維殷更於北關外開義館延塾師講學其  
中貧無資斧者藉以陶成種 二 惠政皆溢乎詰  
戎之外也公自康熙二十七年鎮袁越八載袁  
人愛戴之遂入籍宜春東隅一畝又二年乃致  
任 誥封榮祿大夫子國銓功加左都督次口

興三懷德俱國學生四義德任把總分守峽江

宜春縣志

卷之二 武秩

二十一

山川考

莫以宜春遠江山多勝遊誦昌黎公詩不必披繡  
□而峯瀾滿目矣况袁山北峙秀水東瀠風氣蓄  
而人文炳奚俟歷覽諸名勝始動碧澗桃花之想  
乎作山川考

袁山 在縣北五里峯巒秀拔昔高士袁京隱居  
於此卒塋其側故名有大袁山小袁山相對

仰山 縣城南八十里爲府之鎮山周迴數百里  
高聳萬仞不可登步只可仰觀因名絕頂名集

宜春縣志

卷之二 山川

二十二

雲峯夏雲氣冒其巔則雨立至冬微陰卽停雪  
山下有寺曰太平興國禪寺及二神廟舊傳二  
神捐地與小釋迦結菴於此山有水分流會於  
正廟

小仰山 城南三十里晉鄧表修煉於此又號鄧表  
峯上有泉壇石臼藥竈又名水晶山

蟠龍山 城南四十里自麓至頂凡三十六曲上有  
蟠龍寺唐末南平王鍾傳建四面峭壁湍瀑飛  
瀉前有龍門關平挹雲峯誠勝境也王雲詩經

夏地無暑未寒泉有冰盖紀實云

木平山 城南七十里山有三峯險峻秀拔郡守王古禱雨有應遂名其中峯曰妙慶左曰瑞光右曰慈雲又有興化禪寺寺中有飼龍亭嘯月亭景物清絕不減仰山宋李冲元詩窄逕隨溪轉懸巖帶蘚斑可想見其丘壑也

湖岡山 城南十五里卽湖岡臺晉鄧表故宅山頂有煉丹臺養丹池朝斗石

震山 城東一十里亦名馬鞍山下有巖幽深唐宜春縣志

卷之二 山川

二十三

彭構雲隱釣於此寶應中徵召不就郡守嘉其行因名其鄉曰詔君鄉巖曰詔君釣臺盧肇有震山巖記

雕山 城東二十里高百丈周回二十里

坤長山 城西南七里山自坤方來連亘甚遠因名望鳳山 城西地七十里周回六十里高三里中有一峯如鳳因名

書堂山 城西南三十里唐盧肇讀書於此

石屋山 城西北三十餘里洞深百餘丈有石柱石

鐘石鼓

□ 山城西南六十里崇高峻拔山嶺飛瀑下注  
清□江北入秀江

寶 山城北六十里世傳昔有肅禪師過其山遇  
訟有勸之云欲出輪迴道先回自己心訟者以  
此言爲寶因名

□ □ 峯 城西二十里峻壁孤峙唐盧肇有詩

江□嶺 袁□門外

羊角峯 城東十里雙聳如羊角一名雙箭峯

宜春縣志

卷之二 山川

二十四

王坡嶺 城西四里舊傳有王者葬此一曰王坡

神□嶺 城南門內出仰山繇此門因以神名

白鶴嶺 城西三十里

僊女嶺 城西三十五里地名清瀝宋成恭皇后所  
居

巖 嶺 城北五十里山勢峭拔自上而下有小逕  
十八折頂名仰公山下有小谿漑田甚廣

鐘嶺 城西南十五里

城西南三十里

鷄冠嶺 城北六十里

花冠嶺 城西五里近化成巖

獅子嶺 城南一里草木鬱茂形狀如獅因名

□□嶺 城秀江之北自化成巖來數里形勢如牛

因名

五虎嶺 城北六十里以五嶺相連形勢如虎因名

銅釘嶺 城西南耆舊相傳本長沙溫氏墓宋初削

平僭偽因鎔銅潘其頂因名

曹家嶺 城東五里

宜春縣志

卷之二

山川

二十五

大□嶺 城西北九十餘里周回約十五里山腰有

泉名水漿湖相傳隋煬帝戰場

澗富嶺 城南六十里與吉安府安福縣接境嘉定

四年嘗於此置寨以遏郴寇

□□山 城北一百二十里與萬載萍鄉瀏陽接境

兩山峙若天門中門一徑實八省往來必由者

隘險陡絕盜藪其中日中掠殺商民俱莫必其

□□宜設官立營往來巡哨庶或稍息

□□□□□南六十里與嚴營山寨相近皆防扼

峒寇之所

天子岡 城西北五十里傍有駙馬塘

化成巖 卽化成臺在府城西北五里下瞰秀江舊

名化成臺僧屋其上名開化院巖內有石佛唐

李衛公德裕嘗讀書於此後因爲祠紹興中郡

守陳述建亭曰仰止曰振鷺軒曰倚巖曰翠靄

郡守王古於絕頂建浮圖又建妙峯亭慶元中

郡守李訖因茸祠復仍妙峯址創亭曰妙高易

仰止爲容安又有亭曰覽勝曰漱石曰嵌空寶

宜春縣志

卷之二 山川

二十六

慶初郡守趙箴夫於巖腰劍亭曰知李後郡守

曹叔遠又旁滌奇石創亭曰介休爲贊勒石贊

曰地靈蟠英茲闡其藏聳拔崢嶸人文載揚勉

爾袁士永莫厥祥巖下有鄭氏北墅衛公舊祠

久圯元鎮守萬戶那海刻公像於石構祠仍扁

曰知李寺東建亭曰如畫亭其西舊有屋三楹

明嘉靖己未知府季德甫建扁曰化成軒軒左

祠李公同知曹光記萬曆五年知府鄭惇典復

修增總門扁曰化成巖戊午知府黃鳴喬復構

樓一座度僧守之暇日率僚吏登臨吟嘯督學使黃汝亨題曰托賦樓以衛公讀書此中有十五賦也

青蓮洞 巖寺西小穴丈許虛明可愛扁曰雲谷歲久不存康熙二年分守參議施閩章愛其狀如青蓮花半開更今名

語石亭 在巖之左守道施閩章建石碣對峙謂與石可共語也

冷然菴 在巖之左流寓李若垠建

宜春縣志

卷之二 山川

二十七

宜春臺 在城內東南隅高五十丈宋建炎中郡守卽此以奉仰山之神立行祠前有齋閣燬明嘉靖間重建至萬曆乙亥知府鄭惇典修葺又建石坊於臺畔扁曰憑虛積翠萬曆十八年御史陳禹謨按部復於臺南建總宜樓宏偉壯麗一帶雲烟盡在目前

種桃亭 知縣蔣應震立

宜陽第一峯

春風亭

瀉山閣 俱在宜春臺上

鳳凰臺 城內枕城爲臺樓觀突兀竹松交翠上有鳳臺觀

仙女臺 城內東南隅與宜春臺相望

牛欄峽 城東三十里左有金鷄山右有銀餅山相

對若欄相傳羣峯疊聚號爲十八美女觀蓮峯下又有三十六棋子皆可扞葬惟將帥最吉

粟坑巖 城西南七里溪澗三十丈有小竇通明可步從巖頂出

宜春縣志

卷之二 山川

二十八

石乳洞 城東三十里溪一里許滴乳堅凝成觀音羅漢像人或游宴其中殺核狼籍經宿如掃宋教授鄭王賓鐫石記其事又按寰宇記宜春有石室山數石相連高十餘丈素壁如雪卽此洞也

玉谿洞 城東城外半里許郡人李觀夢符居之自號玉谿叟洞今塞

漠塘洞 城北六十里初入澗可數丈有潭水流洞外繼入小洞漸遠一竇通明地名帶塘距漠塘

已二十餘流去莫知所鄉 鄉人嘗避寇於此

靈應石寶龜 城南仰山正祠

石窟洞 城東北五里雷潭菴側舊傳龍神潛於此

今石有龍爪迹

石穴 城西北六十里燕州神廟一穴清流入內

可行三十里見水竹叢莫知其原

響石 城南三里獅子嶺後聲傳響答因名

獅顧山 在集雲鄉邑治四十里原有古剎今僧□

雲于十九年創建棲雲禪院

宜春縣志

卷之二 山川

二十九

水

秀江 城北門外源發羅霄山流經城西十五里

爲稠江至城北澄清深碧因名下經分宜過新

喻出袁河至臨江府而合於大江

清瀝江 城西南六十里源出老山頂有瀑瀑數派

一派瀉山下爲此江過鞏溪又過了山分二派

一派爲官陂水一爲古江又分二派一爲司谿

江一爲新江會爲麟橋入於秀江麟橋江今在

府西六里古江舊傍山流今爲田矣司谿江在

府五里一名沙附江新江在府西五里

夢水 城東八十五里按寰宇記昔鍾儀於此村欲立縣遇夜乞夢果符祝名曰思縣因以名水

仰山水 城南六十里源發三鑊潭北歷獺逕過仰山迤邐東流出浦村入秀江

曲水 城南外五里地名山口水自明村發源至入畝澮潏紆九折出赤橋入秀江

鸞谿 城西北六十里下流入秀江相傳吳綵鸞與文蕭游此谿傍有蕭史臺

宜春縣志

卷之二 山川

三十

雷潭 城東北五里秀水至此成潭舊傳有龍潛於內上有峭壁石罅龍鱗印苔成痕潭邊有寺陸經詩蛟龍曾此盤白晝起霹靂今寺改爲多寶菴傍石亦名釣魚臺竹木陰森稱勝境

飛劍潭 城西七十里舊傳唐王將軍坐潭石上墜劍入潭今石上劍痕尙存

雪谷潭 在仰山上水極冷盛夏不可濯

獺逕潭 城南八十里仰山之上泓渟澄深舊志云仰山神龍之所宅也

廬洲 城東演武場後以廬肇名今縣學爲肇故居此洲植喬林以助風水因久據於民間故蹟漸湮明萬曆六年知府鄭惇典清復還官仍種樹其間乙卯歲郡縉紳袁業泗以此洲關塞水口白府同知李瀚通判毛文煒創建三元殿規模宏壯屹立中流知府黃鳴喬復於殿後建閣顓祀鄉賢廬肇一表先賢舊地一示後學向慕督學使黃汝亨扁閣曰文標自此山川改觀人文勃起矣

宜春縣志

卷之二

山川

三十一

雷塘 城東北七里初開雷震因名歲旱□雨輒應韓昌黎有雷塘禱雨文

石湖 城西十里

石牛潭 城西五十里江流中有石牛又有擊牛柱  
宜春泉 在縣西四里唐地誌云宜春泉醞酒入貢益指此或謂靈泉卽宜春泉按郡守李景夏靈泉記云泉宜作酒見於吳錄晉記而泉已失所在不可復尋以靈泉醞酒出於近世是宜春泉與靈泉異矣然圖經載宜春泉在縣西四里□

泉距縣亦四里則靈泉卽宜春泉李或失考據  
今兩存之

靈泉 在縣治西上有寺舊傳泉日兩涌與海潮  
通後人滌溉其中燧止又云中有比目魚是邦  
文物盛乃見萬曆中知府鄭惇典寺前甃墻禁  
人污穢魚復出是歲應鄉舉者二人明年中進  
士者亦二人

珠泉 舊名湧坑泉府城南門外泉水嶺方廣丈  
餘平地湧出溉田甚廣明萬曆丙申推官徐之

宜春縣志

卷之二 山川

三十二

孟臨流憇賞泉上築臺下爲樓東西連簷接棟  
與宜春臺相望萬曆己未知府黃鳴喬重修復  
於樓前置屋軒豁深窅爲時巨觀崇禎末燬  
國朝順治庚子知府胡希聖偕協鎮許壯猷暨  
廳縣諸公捐俸重建視昔加美

溫泉 城西南三十里修仁鄉溫湯里定光院前  
氣溫知湯冬可浴以鷄卵投之卽熟水中猶有  
魚泉凡三出一在東岸上僧人甃爲池一湧出  
江心巨石中石類釜上寬五六尺許平坦可□

游者多於此飲以爲樂一在西岸名詠附藝  
可考而知

甘泉 城北十五里盖激山竇之流渚焉唐咸通  
二年僧道光因築室爲甘泉院嘉祐中郡人李  
觀因僧智江建二堂爲之記

濼泉 在府城北三十里灌田萬餘畝

叔李泉 在仰山院之左傍有龍淵亭或傳徐璠扣  
石橋謁二神之所

雙井 府治西北茶倉前數步水清味甘居民爭

宜春縣志

卷之二 山川

三十三

汲大旱不竭

義井 府治東集慶坊南唐刺史李將順開鑿及  
開防虞池菱池䟽理清水池以爲火備淳熙間  
郡守張杓修明弘治庚申郡守朱華重建

雙清井 舊爲龜鼻井府治東北甘棠坊府學左畔  
舊永積庫左濶丈餘內有二小石孔

楊清井 舊爲左龜眉井橫一尺長六尺在府治北  
達里坊

澄清井 舊爲右龜眉井橫真同上在縣治前□□

坊西去西明井十步

東明井 舊爲左龜目井濶丈餘在府治東北隅  
里坊西去楊清井三十步

西明井 舊爲右龜目井在古開元寺傍院後卽今  
縣治前三十步文會坊之西以上五井舊志云  
世傳府地形如龜天罡袁公於城內鑿龜鼻眉  
目井以全龜象不事爲民汲亦取克制回祿之  
意宋淳熙間郡守張杓常修治歲久爲居民所  
侵寶慶間郡守曹叔遠旣復李渠并浚是井明

宜春縣志

卷之二 山川

三十四

弘治庚申郡守朱華復浚治易今名五井歲久  
俱淤塞康熙戊申郡守李芳春詳查原井挑浚  
今俱疏通如舊合郡便之

秋家巷井 府治北百餘步清水池西委巷中井水  
特重漏壺用之

司理院井 府治東南一十步水亦重漏壺用之

李渠 在府城西唐刺史李將順因州多火災決  
陂水入城渠可通舟郡人利之目曰李渠明弘  
治間知府朱華正德間知府徐璉曾浚之歲久

民□占紹興三十一年郡守李觀復取歸官□  
久淹塞寶慶三年郡守曹叔遠既復李渠并□  
此池以濟渠之不及

芟池 在府東南委巷中芟獨茂因名

放生池 舊有靈泉池及清水池今以北城外秀江  
爲之禁捕魚五里

蚪塘 府城西北四里舊傳有蚪龍蟄其中因名  
蜈蚣塘 府城西四十里其下有山曰鬚牙陵曰茅

坑曰大坑陵曰落城曰中櫟曰野猪窩曰蕨石

宜春縣志

卷之二 山川

三十六

坑曰張公坑曰龍源曰西巖嶺曰水口社山迤  
邐以至於稠江其山俱在化南鄉蜿蜒綿亘山  
下居民鱗集稅田萬頃明萬曆十二年因掘煤  
有害地方煤水壞禾稼田多荒蕪居民狀控  
院 司 道 府勒石封禁嗣後屢奉□

上憲嚴禁掘煤闔鄉賴以生全云

宜春縣志卷之二終